

剡源鄉志卷二十四

奉化趙霽濤 醉仙甫纂

大事記

唐

德宗貞元間置剡源鄉

案乾道圖經但言爲鄉一十九宋景德三年併爲八鄉至寶慶志始著剡源鄉之名杏康熙志八鄉帶管之鄉適與圖經一十九鄉之數合是剡源鄉貞元時已有其名也至貞元以上無從尋其蛛絲之迹矣

貞元十四年十二月壬寅明州將舊書作明州鎮將栗鐁殺其刺史盧雲以反

鎮誘山越作亂攻陷浙東州縣通鑑○鄞志案胡注云明州山越今慈溪鄞縣界奉化縣西北界山民也○案全祖望曰以今地理

理實之當爲鄞之傅雷河慈之鍾乳山播嶼奉之碧嵐等址廬爲所害李德裕祥瑞論

十五年二月庚辰舊德宗本紀作乙未新紀在四月乙未浙東觀察使裴肅擒栗鐁於台州斬之通鑑

剡源鄉志

卷二十四

大事記

丹山赤水洞天 剡曲草堂印行

肅帥台州兵討牛之舊裴休傳擒栗鐁以獻斬於獨柳樹舊德宗紀

懿宗咸通元年三月裘甫入奉化抵甯海據之分兵圍象山四月宣歙將白琮等自

上虞趨奉化解象山之圍通鑑

案自上虞趨奉化必由北溪踰三折嶺過董村亭下公塘諸村

九月浙東軍大破甫於南陳館賊自黃罕嶺遁通鑑○胡注黃罕嶺在奉化西北其黨劉從簡帥壯

士五百突圍走諸將追之大蘭山胡注奉化縣西北有胡注奉化縣西北有從簡據險自守七月丁巳諸

將攻克之通鑑八月裘甫伏誅新唐書懿宗紀

案劉從簡據大蘭山梨洲北溪必被其害

又案黃罕嶺在新昌與陳公嶺相近胡注謂在奉化者誤奉化有黃甘嶺

僖宗乾符四年二月王郢攻陷望海鎮掠明州又攻陷台州刺史王葆退保唐興通鑑

郢橫行浙西節度使裴瓌密招其黨朱實降之散其徒八七千人鎮邊使劉巨容

以箛箭射殺郢餘黨悉平通鑑

案唐興卽天台縣非奉化之唐興然由明攻台剡源乃經過之地黃巢引亂兵過一峯下天將暝復過一峯下天已深黑遂止嶺上故名大小晦住嶺

嘉靖志○万見小晦嶺條

案此事本不可信黃梨洲四明山志曾駁之因舊志所載姑存之

文德元年置公塘鎮民戶買撲名課管納官錢寶慶志十四

宋

神宗熙寧二年添置公塘巡檢劄巡捕私茶鹽簪盜賊等事寶慶志寧宗慶元四年

守鄭興裔以官司既遠征歛無度重為民害申朝省廢罷寶慶志

恭帝德祐二年丙子三月元兵至鄞蔣景高撰袁鑄傳沿海制置使趙孟傳降敬止錄元兵旋

擾剡源本堂集

元兵由奉至台濫軍馬往來之屯駐無一刻寧帖民之弊於鋒鏑者枕籍室廬焚

蕩田土蹂躪本堂集

剡源鄉志

卷一十四

人事記

丹山亦水滸大剡曲草堂印行

元

世祖至元十三年即宋德祐二年冬趙孟頫起催米稅宋故秘書監陳者上書止之本堂集

明

崇正十六年奸民胡乘龍謀作亂聚眾於雪竇山自稱天萌國大將軍分布黨羽刻

期待發為其黨所告太守陸自嶽討滅之雍正志

胡乘龍倡亂雪竇剋日分犯自嶽捕內應六人誅之隨發兵直抵賊巢獲其巨魁

餘勿問當急變時日嶽募廷羸民兵六百人或曰兵期壯勇奚用是為自嶽曰此

饑饉餘生不急收之祇助寇耳旬日之間閭井晏然浙江通志

清

世祖章皇帝順治五年戊子吳奎明袁應彪以兵應故明侍郎王翊全祖望撰王翊墓碑

八年己丑夏大兵攻公塘洞王吳奎明破之奎明奔至河泊所全祖望撰王翊墓碑

白寇作亂大掠剡源諸村參石門康嶺沙際諸譜

八年辛卯七月王翊招兵榆林柏溪之間將由奉化出天台至北溪爲團練兵所執

不屈死之全祖望撰 王翊墓碑

聖祖康熙十三年福建耿精忠反傳噤縣盜胡雙奇聚眾大嵐山乾隆志

倚勢攻劫明年郡守與邑令命毛岳靈等追剿之雙奇逃入海鄞曹志

胡雙奇噤令嘗擒置諸獄命勿與食餓斃之數日猶生卒怪問之乃夜有大鼠銜

胡餅與食故不死卒驚曰爾必大貴遂偕逃時耿逆倡亂胡潛倚聲勢雍正志副賊

龔萬里乾隆志力制奔牛猿臂善射雙奇倚爲長城石門毛謂胡偕入唐田北溪劉鴻聲平大嵐

記聚眾大嵐山乾隆志漸乃焚康嶺平大嵐記先犯石門有毛嘉仙者改名岳靈率本族人瑞

雲仲和暨嚴頭毛鳳芝鼎一趙吉照撰毛鳳芝傳與之力戰賊敗去乾隆志明年春郡守邱業

鄞曹志與邑令曹鼎臣聞其名合率毛氏族乾隆志隨千總湯文乙合團練鄞新志搗寇

巢穴殫其眾走胡雙奇斬萬里大嵐以平乾隆志

案剡源各村譜牒俱當時被胡寇所燬亦慘矣

剡源鄉志

卷之二十四

大事記

三

丹山赤水洞天
剡源草堂印行

宣宗道光二十一年八月庚戌英吉利陷甯波十一月己卯二十九日陷奉化

福建提督余步雲帶兵由新昌之陳公嶺過剡源其兵卒咸捉壯夫擔其行李居

民驚恐至泉口逗留不進聞郡城陷退屯上元舉白巖之野

案此事剡人唾罵至今而鄞新志定海新志均失載

二十五五年九月知縣王濟議加錢糧耗銀邑民控諸上司不得直張恭安走京師訴

冤

知縣王濟與庫書某城紳某議加錢糧耗銀畝增錢三十邑民忿甚訴諸省省下

之府知府李汝霖庇濟反鞭朴控訴者邑民大圍縣中方科試士子赴試者輒被

鄉人逐回遂相率入城焚庫書與城紳屋廬濟走白上司指張名淵等爲魁汝霖

懼禍及陳牒告病巡道陳之驥與提標參將百勝帶兵來剿鄉民出擊之兵潰諸

將皆避鄉民止百勝於泉口不得歸三石趙舜年聞之曰鄉民捉中府罪不細以

數十人往救之時有與舜年爲讎者譏於百勝曰舜年來捉中府也遂有餘黨之

名未幾按察使蔡瓊督杭協兵馳至聲言進剿民惶懼遣張恭安走承師訴冤巡撫梁寶常先後奏聞詔諭寶常帶印赴甯波會同提督詹功顯迅速籌辦十月丙申得旨奉化縣匪徒張名淵等因所控糧案未結輒敢聚眾阻考毆辱委員焚劫民舍提督詹功顯迅即撥兵派令參將百勝都司鄧鳳翔帶令赴援旋將匪徒擊散見在倉庫監獄未劫該匪徒出城以後各鄉附和之徒漸次散去惟唐器汪家村等莊尙聚多人計圖抗拒該縣知縣王濟先因增加錢糧釀成京控該府李汝霖審訊此案輒復擅責生監以致人心不服又於有事之時遽爾告病顯有規避情事李汝霖王濟均着卽行革職拿問甯紹台道陳之驥前往該處不能彈壓撫諭因匪黨衆多輒行避匿實屬懦怯無能陳之驥着暫行革職該撫惟當會同該提督督率弁將將未散匪徒迅速撲滅尅日蕪事其著名匪犯張名淵等務須按名拿獲尋年潛匿白粉壁之驥購之急至次年正月爲其戚柳某所告遂被逮至省城二月遇害闔邑冤之

參東華錄并鄞志

剡源鄉志

卷二十四

大事記

四

丹山赤水潤天
剡曲草堂印行

案此案各鄉均有被冤之人茲不贅叙

文宗咸豐十一年十月丁丑二十日粵賊范汝增率黨數萬攻新昌陳公嶺官軍潰逐踰剡界嶺其前鋒屯六詔戊寅大掠剡源中路諸村擄去居民二四白人焚室廬數百間已卯陷奉化

十二月遣其黨賀某等設卡於康嶺上蹕駐

十一月壬辰

初八日

賊陷郡城下僞令蓄髮各鄉設僞軍帥師帥旅帥會令紳富充

當並給僞印旗且令各村進貢

如銀圓錢文酒羊鷄鴨之類

編立門牌一牌出番洋二元五

角時番銀每元計錢一千八百皆從新色係家地換來

未幾開造出冊以五畝以上計算納米二斗

穆宗同治元年正月戊戌

十五日

賀賊等聞義兵耗宵遁縣城辛丑

十八日

武生毛殿英

起義討游賊於康嶺三石人先擊之於西隅不勝陳嗣振死之殿英率毛謙榆毛

謙杉毛裕足力戰於斑溪賊大敗謙榆謙杉裕足追賊至嶺下販而亡

正月十四日賀賊等聞有義兵之耗相率遁入城中是日有游賊數千往返靡常

勢將盤踞康嶺十八日石門毛殿英與其子武生偉儒起義討賊約各村午後齊擊會三石人先出擊之不勝賊殺陳嗣振一人而去未幾殿英合謙榆數百人迎擊於斑溪殲賊酋三人賊大敗謙榆等追至康嶺殺賊數十及嶺下畷與賊力戰賊衆回擊力竭遇害賊夜遁至徐家步頭各村義民鳴鑼起擊無一得脫

陳嗣振毛謙榆

等詳人物傳

四月甲子十二日中外諸軍攻克郡城賊分路竄逃乙丑屯泉口溪口奉化城賊聞之棄城走日嶺丙寅均過剡源擄去居民數百人殺死百餘人遁入新昌

八月丙子二十日粵賊陸順得由陳公嶺過剡源焚劫擄掠無算戊寅陷奉化

偽來王陸順得衆號十萬屯新嵎處州千總李瑀以陳公嶺之軍約陳朝雲趨嵎遇賊於茶坊嶺敗績朝雲退金庭館都司王嘉仁助邵英豪守陳公嶺乙亥二十日陸順得乘大霧從小徑入攻朝雲力戰受傷所部死者百餘人官軍遂大潰朝雲率部下且戰且走沿途告居民逃避丙子踰剡界嶺丁丑焚劫中路一空戊寅奉

剡源鄉志

卷一十四

大事記

五

丹山赤水洞天 剡山草堂印行

化城陷知縣屈永清走北渡投水死

參鄞新志

閏八月戊戌十八日中外諸軍攻縣城克之賊由連山鄉而去奉化肅清

案此時幸北門外有民團數千喊吶助勢賊始啓南門夜遁不然剡源又不知

遭若何苦劫矣

粵賊之來去約經月擊

又案總計自十月底起至次年四月止八月起至閏八月止剡源中路爲往來之孔道

光緒二十四年戊戌夏亭下鎮鹽店被劫冬米店染店復被劫大巖坪被劫傷事主

王老六成廢

二十六年庚子春正月知縣龔照璦令周善安督率城團協竺廷勳直搗賊巢擒賊

黨應阿少以歸

先是上年十一月間棲霞院職員王昌灼家被賊劫去衣服等一千餘金賊尋次窺伺董村雖被村民擊退乘間復來夜不安枕者數月諸生竺廷勳迭請官兵勦

賊卒未之應而各村盜案疊出民心惶惑明年正月邑令龔令城紳周善安率團勇數十名星馳董村廷勳合董村暨樓霞阮鄉團五六十名將往進勦時平地雪深數尺城鄉各團丁皆有難色善安謂乘雪勦賊蹤迹可尋且出其不意衆皆激勵乃督衆冒雪由三折嶺而至北溪天已昏黑次日仍冒雪前行直抵鄞邑裴塢阮等處焚著名盜窩數家獲其黨應阿少送縣餘賊皆遁剡境少安至冬小千畧董家橋康嶺等處又被劫

二十七年辛丑二月至十二月沙阮曹家地公棠晚響嶺三石巖阮斑溪等處各被劫請官勦捕若罔聞知

祥異

仁宗嘉慶二十年乙亥九月桃有花

二十一年丙子毛家灘災被焚七十二家

二十五年庚辰七月二十二日大水

剡源鄉志

卷二十四

大事記

六

丹山赤水洞天
剡曲草堂印行

宣宗道光九年己丑十二月十八日三石陳五房災

十二年壬辰冬饑

十三年癸巳夏初旱苗不克入土多種苞蘆以代禾稼秋大水壞田餓孳枕相籍有

留女子一餐粥不肯去而願爲妻者民多採草根木皮甚有掘三十六桶即老鴉

以水浸三十
六桶方可食并糠屑以療飢冬大雪斗米值錢五百文八升四
合斗

十四年甲午又大饑至秋初收穫民困始甦

二十一年辛丑十一月大雪

二十六年丙午夏旱冬大雪平地積至五六尺林木多被壓折未幾又連日雨雪總

計有三十六潮云是年六月初旬羣傳有妖青城鄉俱於門上黃紙朱書齣齣

齣四字以辟之并以紅布裁作團圓樣一面亦書此四字一面書八卦羣小兒垂

之胸前鄉人鳴鑼號衆日夜不絕月餘始安

二十八年戊申七月大雨雹擊落早禾以箒刷之一人每日可得穀三四十斤

三十年庚戌夏大旱溪穴深至一二丈而泉俱竭至八月壬申十三日大風雨連朝不止山出蛟平地水漲三尺損壞田廬無算

文宗咸豐元年辛亥夏旱秋淫雨連日大水汨沒田畝無算

二年壬子十二月辛巳初六日夜地震有聲

三年癸丑夏旱六月癸巳二十日大水田禾無收邑侯韓培乾下鄉勘災

四年甲寅春將曉有聲若鼓山雉飛且鳴父老云此天礮也豐年之兆諺云天礮雉雞叫有穀無人要是歲果大有年

十一年辛酉六月壬申十五日沈家巖俞從寅家產白象雄觀者如市三日而斃十二

月大雪積四五尺每夜一潮至明年正月止蓋半個月云金竹產白象無考上蹕

駐宋開桂家產白象無考

穆宗同治十一年壬申秋旱井泉枯至冬季始雪

十二年癸酉正月丙午二十日赤無光是日皇太后撤簾毅皇帝親政自春末不雨

剡源鄉志

卷二十四

大事記

七

丹山赤水洞天
剡曲草堂印行

直至七月始雨歲大稔

光緒元年乙亥十一月乙未初二日雷

十三年丁亥七月大疫至九月止死者甚衆沙隄公塘康嶺更甚三村約死四百人

親戚不通音問此證名霍亂俗名肚痛腳筋須以大劑附子理中湯浸冷服之若

服他藥必死不吐不瀉者名乾霍亂於附子理中湯內加枳殼檳榔七月下旬謠

言八月初一日早晨有大災屆期竟無恙

十四年戊子元旦辰刻雷傳聞紹興擊死騙財一人

二月雨紅豆年分失考

十五年己丑秋八月至十月淫雨四十餘日晚禾腐爛無收各鄉紛紛告荒惟剡源人安靖如故

十八年壬辰十一月庚戌雨雪嚴寒異常二十九日至十二月初六略和竹

籜不得行者二十日瓶盜冰裂果木多凍死

二十一年乙未謝界山陸伯宏家產四足雞夏旱秋大水又大疫死者甚眾其歲與十三年

二十二年丙申夏四月淫雨小麥抽芽秋大有年十二月一日卯雷電雨

二十五年己亥六月庚寅十四日大水坍塌出木二千餘畝祠廟廬舍亦有損傷溺

二人飄沒樹木柴炭無算此災水災後各處甚為百年來所未有中路次之

二十六年庚子春二月壬子初十日亦無光癸丑大雨辰巳兩時天暗如夜

二十七年辛丑六月丙申初二日北溪等處天雨雹其大如盃擊碎屋瓦無一完宇

助銀姓氏參兵公先誦無訥必不能多矣故助銀姓氏於前未以睡下朽凡助銀四元者則鄉志一部又則陳平堂先生平譜一部八元者則鄉志兩部年譜一部以此加

王洽成 助銀十六元

王庭槐 俞小五 盧德資

盧質仙 宗海 馬村衆 胡雷房衆 俞杏木

單魯房衆 亭下裏宅衆 毛崇義衆 榆林下陳衆

荆源鄉志 卷二十一 四 八 丹山山水洞天 日曲草堂印行

石門步青 康林木 沙隄衆 張利房

何思本堂 塔下衆

陳姓衆 宋周房衆 宋陶房 淨慈寺

柏園衆 璇溪董姓衆 毛鑑懷堂 石門頭孫漢房

王右軍廟衆 孫恭房 大山菴 以上各助銀四元

剡源鄉志卷二十四

補遺

奉化趙霈濤醉仙甫纂

長男文衡平之補

送能上人詩序

戴良

四明陳子經告余曰余之方外交曰能上人者雖學于佛然通儒喜為詩歌至正甲辰夏嘗挾所有自嘉禾游吳吳之上善知識聚公白雲留上人且三閱月今將東還率公衆大夫士及禪者教者賦詩贈之而首簡之文則以累吾子以吾子之余愛也因授簡焉余聞其言而歎曰人之於其交惟視其賢則與之苟賢矣不以其學異己而嫌之可也古之人有行之者石曼卿之與惟儼是也然曼卿兼愛于人無所擇惟儼所守者介非賢士不交人有不可其意無貴賤一切閉絕不少顧是二人者不惟其學之異而其為志亦且有不同卒乃交合而無閒者豈非以其賢哉曼卿固世所謂賢者矣惟儼之賢不少槩見於時而歐陽文忠公稱其通儒術而善辭章則曼卿

剡源鄉志

卷二十四

補遺

一

丹山赤水洞天
剡曲草堂印行

之取之也豈苟也哉子經今世之曼卿也其于上人志之有同與否余雖不得而知然其為學則異矣學異而交同則上人者豈非惟儼其人哉余不識上人而知子經為最深故以子經之賢而知其所交之必賢也雖然上人之師有龍安悅公者嘗以已道為未至潛行而求之後遇素公卒能于立語之間獲其終身之所欲上人繼今以往苟復即其學之同者而求至焉則人謂上人賢也亦謂上人之交舉賢也上人可不敦其所已至而勉其所未至者哉上人得度于普惠禪寺而掌書記於東塔教寺名善能字仲良嘉禾人

石孝子傳

石孝子者四明山農夫也家世貧賤老屋數楹隱隱叢薄中孝子早喪父獨與其母俱一日以事出則告其母曰兒出母居此無侍養者幸往依女氏待兒之歸也母曰諾其女氏家去母甚迤孝子謂母可即至竟行後二日歸首過母所寓而母未嘗至也孝子即心驚倉皇抵舍忽見壁間一巨寶覘之則虎子三據其榻處為穴孝子知

母已爲其所害卽慟且盡殺虎子復磨一斧堅執立竇內頃之母虎循入卽斫其首碎之取肝腦磔諸庭而復大慟以斧指天曰吾雖殺四虎而吾母之仇未足以報也乃更迹牡虎所行路持斧阻崖石待之牡虎果咆哮過崖下孝子奮而前當虎首連斫數斧卽斃虎既斃孝子亦隨死僵立不仆張兩目如生而手持斧擗不可奪鄉鄰走弔咸凜凜欲亡去獨嘗捕虎者相率拜祭而神之蓋余主越聞諸宋先生元僊云

論曰父母之仇不與共戴天是以齊襄仇紀而有紀侯之去國魯莊仇齊而有乾時之戰敗蓋寢戈枕甲仇在必復而已其可逆計強弱蓄情抑志以苟其生哉竊痛宋氏南遷二帝客死金虜構兵以復仇誠不可朝夕緩也而顧有沮於姦議卒使終天之恨竟莫一伸是果何爲哉當時議者孰不以宋弱金強爲說以孝子觀之宋雖弱豈下於一夫金雖強詎勝於五虎孝子能行之而宋之君臣反有所不能設使孝子之事見之於彼曰主國讎者亦可少愧哉嗚呼若孝子者嗚嗚焉烈烈焉雖與岳將

剡源鄉志

卷二十四

補遺

丹山赤水洞天
剡山草堂印行

軍輩比質可也

毛母蔣太孺人六旬壽序

孫事倫

余少時側聞鄉先生輩亟稱道石門毛氏有古風其尤著者曰熙亭先生暨弟敬亭翁律身接物恭敬舉無與比雖燕閒之時未嘗不慎頰笑見家人如見賓客內外少長咸秩如也蓋此卽古萬石家風所謂不言而躬行其教不肅而成不嚴而治而於今世則僅見者余每心儀之第以下士閉門足跡不及同里未獲一登其堂親睹其撫範於心常以爲歉毛君階六熙亭先生詰孫也癸亥夏初介余門下生來爲余述先生事悉與所聞相符合而其母系出溪口旣笄而歸其父眉軒公公素好古雅敦孝友孺人敬戒無違逮事祖父母盤匱滄瀾整飭惟謹年三十三眉軒公甫遊庠卽逝世而祖熙亭公尙在堂時階六方九歲有弟德晟三歲孺人仰事俯畜倍極周至不致傷老人意數年熙亭公亦逝世孺人尤時時爲階六等稱述熙亭公格言質行以爲人惟恭謹庶無過失常恐階六等或染時趨替厥家風故訓誠諄復垂老而不

倦適今年九月十三日爲孺人六旬祝且因囑余一言以表其內行余惟以文爲壽乃晚近俗例不足以明古道苟欲徇俗卽當得名篇巧製以永厥世如余之蠢愚樸陋則又安能爲役也顧余非不知辭而意亦念數十年來欲身挹毛氏家風而未遂今試得操翰爲孺人侑觴之詞可以闡孺人之闡德尋繹孺人稱訓卽可以想見熙亭先生之風味斯不亦稍慰素願歟且階六循循雅飭有孺者風而門下生又爲余言渠弟德晟亦復重行檢克協壘篋之好以承母氏歡此可見孺人之教之益而因以必其家聲丕振將余言並藉以傳也不益美歟是爲序嘉慶八年元月

無逸毛君家傳

趙芬

天有心乎君子何以厄天無心乎善人必有後此二說者相疑相難而無以自解此離騷天問之所爲作也吾以爲天無言天安得有心亦還問夫人之心而已矣何則維皇降衷厥有恒性人心一天心也然一墮氣質則不能無偏倚駁雜之弊人與天卽有不相似之處而天以生物爲心至崎陰崎陽而不得其正一任乎人之撫膺慘

剡源鄉志

卷二十四

補遺

三

丹山赤水齋
刻曲草堂印行

但喧呼叫號而絕不一應則天心之忍有時有甚於人者然此亦天之墮乎氣質而無以自全而天之主宰固不如是也石門毛君無逸與余交最深生平力行孝弟時時以古人自待不屑屑於功名於諸儒中尤力慕舒文靖公其他學行不能殫述門下有從余遊者爲言先生館於家雖盛暑必衣冠坐講堂聞母太夫人語聲卽肅然起立家人有過無怒色疾容必委曲面讒徐俟其自悟乃已其敦行不怠類如此卽以余之落拓每毛君在座未嘗不斂手改容以集嚴憚之益焉猶憶前年與無逸同應科試許久契闊卒然相遇於郡城之西握手流連歡然道故緣徙倚街巷間匆匆遽別愀然爲懷以訂後會迺不踰時而倏以訃聞且延及其弟若妻一家六七口並相繼而殞嗚呼天之厄君子一至於是其果無心耶吾於是知天之無定也雷動風散雨潤日暄其常焉者耳若旱魃爲虐山川蘊降林木焦殺嘉禾枯槁一旦大雨時行溝澮盈溢萬物蒙其利而天不以爲恩至於晴光明媚陌上草薰花娟娟而可愛柳依依而解迎忽焉而狂飈刮地折木飛花萬物受其殃而天不以爲過然而龍雷

見於春夏霜霰降於秋冬曾不聞其運之或愆而序之少易無定之中又確然有定則無心之中亦藹然有心以是而推之於人彼夫堯舜禹湯文武之爲君稷契伊傅望散之爲臣與夫孔孟之後先周流顏冉之並遭凶折帝王逢明明之天不以爲有心而恐墜厥命也聖賢值蒙蒙之天不以爲無心而稍懈厥修也然則無逸之遭斯厄也天卽以無心過之其有不以有心承之哉無逸下世十年矣今年余館於張氏之環江書屋其詰嗣椿來謁余請叙其父以遺家乘余宿聞其資質聰敏成童輒能默誦十三經抵今十餘年所造當必有進語次叩其所學云一爲家累廢業矣余悵然久之既乃以大義責之曰有是哉爾讀書有基而甘自棄壞乎哉吾聞諸乃翁爾家自岳靈公迄於爾父代有文人書香世世不絕今顧自爾歆絕耶夫天無心卽憑於人之心以爲心以故天定勝人人定亦勝天爾善體父心以曲全天心天無心於前未必不留心於後爾歸而拂塵案理舊篋以書田爲菽粟以經訓爲菑畬不祈多積多文以爲富不祈土地立義以爲土地將見堂構相承箕裘克紹俾世占積善之

剡源鄉志

卷二十四

補遺

四

丹山亦水洞天
剡曲草堂印行

慶者謂曰其父概之則天有心而無心自其子觀之則天無心而有心也則爾祖之靈慰而爾父之氣亦於是乎少吐余憫善人君子之不獲天相而還望之於其後人也於是乎叙

無逸府君四秩壽序

周善錫

余生錦溪地與翁石門隔數十里未嘗與翁同閭里同學藝又非親故同往來垂髫時不及交垂髫時已不及翁遠焉惟同里任友程將友載華與翁同學又二同庚余遜三齡而將友又屬翁姑表兄往還之間余得謀面而始交繼時翁年近弱冠而余僅能典謁焉越數歲翁遊膠庠余不得志遇述適習換鵝以寄食四方業已廢志已荒而朋友疏者殆五六年許矣歲丁巳余自武林歸發憤力學治性情正行誼得見古人爲己之旨朋友聞之始來取交於余應聲氣會盤敦相與考道修業惟翁稱首焉厥後或此往或彼來或羣叙正色端坐危言儻論皆各攝威儀不變而嚴憚切磋者蓋亦有年余方曰壯翁已卓立久矣當時余尙設帳在家而任友與翁各延賓在

外將友嘗伴讀翁齋計自幼就傅以及今膺傳在外日多居家日少高堂之奉轉疏於是各以歸養辭去然所歸同也而所歸之設施又惟翁爲進夫翁之奉母也事服勞望親就安供甘旨望親就飽從容辨論望親諗道此余諸友或能勉也獨至朔望具衣冠肅拜跪自行固難欲弟從之則又難欲妻子并弟婦以從之則尤難人卽有景仰一時暫行之固難而欲時時常行之則又尤難今翁之於親養而能敬非惟一已行之且一家行之已無難守而不變非惟行之一時且行之終身已無難此翁之孝非余諸友所及矣夫翁之友弟也親愛之使之能和約束之使之能敬此余諸友又或能勉也獨至爲人重義理去利誘克己固難而欲弟亦克之則又難欲務田不讀書窮理者克之則尤難人卽有奮動一事強制之固難而欲事事樂順之則又尤難今翁之於弟愛勉並至非惟淺略從之卽精微從之已無難敦善不怠非惟一事制之卽事事樂順之已無難此翁之友非余諸友所及矣夫翁之慈子也鞠育之使之有長訓誨之使之有成此余諸友又或能勉也獨至責望在聖賢不在科第識見

刻源鄉志

卷二十四

補遺

五

丹山赤水洞天
刻源學堂印行

固難而欲作養之則尤難欲處今自幼尙時藝而作養之則又尤難人卽有震奮於始蒙養以正固難而欲成童繼之則尤難今翁之於子恩義兼盡非惟漸以繩祖且期以繼聖已無難小成有望非惟養於卯角且養於舞象已無難此翁之慈又非余諸友所及矣翁之孝弟慈如此翁之本身爲甚厚也余平時素知翁志在孔孟學在顏曾策勵輔翼在周程張朱諸子之書是以持身之敬也瞻視必尊雖急遽不改容衣冠必正雖祈暑不露體坐立必端言語必謹也是以接物之恕也宗族必睦雖疎遠不偶遺戚友必親雖貧賤無敢慢吉凶慶弔多周賑恤問遺無缺也且欲篤志家庭常侍親側多方延爲西行者固執不就後惟族中再三關請堅辭不果翁乃以設帳在閩梓潼閣謂不遠於家而可時親定省因就之翁在館也中有帶君每晨必禮香講席弟子寒暑必衣冠學徒不無長幼之分立教必自小學爲始先德行後文藝訓迪無異楊龜山條約多澤白鹿洞也翁門下固多至是殆益盛又非余諸友所及卽後獲交唐友星王若亦嘗遜謝不遑客歲遭不淑敬悉翁相禮焉翁學術非常才

猷特異諸文者作成家間嘗與余言冠婚喪祭必遵家禮今冠禮久廢擬仕必行以翁之志量以翁之踐履知造詣之不抵其極也哉

聞之禮四十曰強而仕曰強者對二十曰弱而言也而又曰仕者對十年曰幼學而言也蓋人之精力至是必盛學問至是必優謂人之有是年者當勿虛耳而世之祝嘏者進其言動引兩山之什奉之酌動稱北海之尊皆侈誕無實何足當尙齒引年之微意也哉且壽以酬仁年以永德其於事物之理果昭明而不惑者乎其於虛懸之體果靜鎮而不動者乎此固至隱至微之事非深相契者極難言也若余有階翁久知爲已孝事親非徒能養而又極能敬友於弟非徒能愛而又極能教持身涉世非徒能敬而又極能和此非燭理之明操心之固曷克如是乎余思余友其年已殆四十矣其學已殆不惑不動時矣稽昔孟郊以是歲始遊京師余友則處而篤志家庭也公孫丞相以是歲始習春秋余友則淡而干祿無心也自古來有仕有未仕其遇其志難盡同也第以不惑不動能無愧於古昔聖賢者乃不負此年華者也使余

剡源鄉志 卷二十四

補遺

六

丹山亦水側天 剡曲草堂印行

友刻厲之胸有不無一毫之不惑一毫之不動難以自信者余固不得而知而余惟知其不惑不動之所見如是即可卜永年致壽之有基以爲余友四秩懸弧之祝慶焉何誕

市隱堂記

江志伊

古人有言大隱於朝小隱於市隱固不以地限哉然吾觀今日所謂大隱者結黨援通聲氣昌言奔競廣進苞苴其行爲直出市儈下而闖闖之中往往有賢選有無利以義取不求聞達尙友古人雖獨行之士無以過者嗟乎隱又烏可以朝市論大小哉沈君楚珩居剡源之亭下以居積起家子介丞能世其業癸丑暮春孫君軒蕉偕余訪焉入其居依山結屋臨水設座淨凡明窗脫盡塵俗軒蕉顧而樂之因以市隱名其堂而屬余爲之記余繼與楚珩交日淺未深得其爲人然當酒酣耳熱飲聞楚珩言論評騭當代人物語語持平不屑拾黨人牙慧使楚珩出而用世參預政權必有異于大隱諸公者而顧高臥塵市中與其子介丞持籌握算以爲樂殆古者隱君

于之流亞歟楚珩性嗜佳山水與余同癖爲余述雪竇石窗剡溪諸勝相約往遊不果使他日贏得買山錢選一曲剡溪結數椽茅屋春秋佳日從楚珩父子往來石窗雪竇間終老於方之外則斯堂其卽余之息壤也乎癸丑春三月

亭下新立軍營記

俞 岳

奉西亭下重鎮也宜設重兵也以重兵守重鎮斯安且固矣前年黃巖李忻齋統戎詳請於其地立營里紳沈楚珩倡議假井基建之夫基有二井故名卽沈蘭亭孫惠祥姚世康俞樂嶸與沈楚珩諸家衆地也併募諸鄉中得洋泉千五百元有奇建中廳三楹左右兩廂後進四楹去冬創始今春落成斯兵乃得安營矣夫設險之計豈自今始哉唐文德元年置公塘鎮蓋以唐宋之間舟至公塘故也攷寶慶志載小晦村延祐志始名亭下可知宋元以來溪沙日漲舟不得行而竹箒乃集亭下焉此公塘之鎮所由廢而亭下之鎮所由興也按亭下距縣治五十餘里由亭下至黎洲北溪亦五十餘里地適居中爲出入必經之處且去大嵐山不遠大嵐山古今盜賊藪也天下無事則已如其有事則盜賊必來據之况其爲今日多事之秋乎今於亭下立鎮且設營以防之令至大嵐山下朝查夕訪不容爲藏姦之安則剡源鄉所矣卽奉化縣亦安矣此一舉也所係甚大李君能倡之沈君能成之豈非當世有心人哉易曰改邑不改井爲養萬民也今營中二井乃舊井也固沈孫姚俞諸家所可以汲也夫兵以衛民居是營者當飲水而知其源云

孫廷尉

雜述詩 廷尉名棟字興公

梁江 淹

太素旣已分吹萬著形兆寂動苟有原因謂殤子天道喪涉千載津梁誰能了思乘扶搖翰卓然陵風矯靜觀尺椽義理足未常少間間秋月明憑軒詠堯老浪迹無蚩妍然後君子道領略歸一致南山有綺皓交臂久變化傳火迺薪草疊疊立思清胸中去機巧物我俱忘懷可以狎鷗鳥

送王鍊師歸四明

元黃 潛

飄飄采霞侶乃在四明山霞裾朝帝所瓊館留人陶忽閱雙鳧郤向東南還望之

剡源鄉志

卷二十四

補遺

七

丹山赤水洞天
剡曲草堂印行

若流星邈然不可攀海月照塔所天風飛佩環我何苦羈旅冰雪生朱顏

輓周爾竣二首

清 鄒銓明

抱膝窮年賦索居詩瓢遺我自焚餘無田可足三冬用有子堪傳萬卷書已冷吟魂
虛夜照猶留花影度春渠璧暉軒外芊芊草彷彿君家帶月鋤暉周以剝啄當年
顏其別業
手將門一屏老桂野雲屯硯無汁喜傾蓮漏籟有糧隨佐酒尊半畝青蔬皆客饌爾
埃

輓毛無逸詩

呂英倫

昨夜銀蟾犯小微豈意吾兄竟富之中流砥柱伊何折惆悵秋庭長別離嗟哉儒術
誠非古競尚紛華薄鄒魯却如吾友立身難雅度雍容恰聖武事親孺慕本性生追
仿前賢論獨精道岸未登時惕惕功名富貴等雲輕交情似飲醇醪厚感者望之若
星斗寧識玉樓使隔催月滿屋梁空回首棣萼一枝影自寒晨昏獨傍孤萱右要知
修短位難齊聞道崇朝夕死否

剡源鄉志

卷二十四

補遺

八

丹山亦本洞天
剡曲草堂印行

輓毛無逸詩并序無逸余蘭簿中主友也少相知長相習所恨一館匏繫會晤
却疏然吾徒每從先生遊先生之門下亦有從余遊者數十里之間問道累累
不絕至若秋闈買棹携手杭城湖山之遊往往共之今年春赴郡同應歲試場
事甫畢遇余於渡母橋邊匆匆立談輒拱手作別意似有所不暇亦以為後會
之有期也今日思此邈若山河則茲橋不且為黃公舊酒壚耶君易簪於中秋
解夏之期比聞計約已三旬引柩之日未奠生芻今忽忽已百日矣迺端鄙忱
荒疏短引并呈俚句六章詞雖不工亦聊為知己一慟云爾
趙 芬

元質風流香疇歎克繼聲惟君追往哲不肯作書生天道洵難信吾儕空復情無緣
同執紼徒此効驢鳴 吾子真元伯而余豈巨卿自傷魂夢斷無術致精英道學生
蘭訓文章死後名傳流方未艾不必淚縱橫 欲止諸公淚潛然淚不禁少年曾握
手壯歲許同心秋雨鏡江棹春風甬上琴郡城分袂後無處覓知音 故友若秋葉
秋來日漸黃同心曾有幾屈指半凋傷硯石畔初罷詩書債已償愧余稱後死猶事

棘闌忙 欲掇緇林杏奚甘迦葉旁都緣推奉邑却已入荒唐按轡蓉城主修文地
下郎真靈如不味乞與潤枯腸 君自飄然去胡携佳耦行忍將少兒女一以委高
堂此理終難詰怕情未許量年來多少事吾欲叩穹蒼

趙醉僊世伯先生吾奉有道之君子也二十年前曾隱於市 亭與先生相去不
數武暇時屢往請教或算學或醫學先生循循善誘爲 亭縷言之不憚煩焉
癸巳秋持闈藝就正先生披閱數過批云筆歌墨舞機旺神流是雅俗共賞
之作文壇飛將軍也及揭曉見遺先生爲扼腕者久之今追維往事爲之懽
然因卽先生實事纂鄉志飭家教建先正祠築中校舍四題分詠七律四章
以景先生之德且以見 亭與先生相契之深云

楊占亨 蘭亭

纂鄉志

緬想先生手澤多編成鄉志樂如何四明山頂曾親歷九曲溪頭幾詠歌人物寓賢
歸掌握林泉古蹟盡胸羅闡幽尤藉如椽筆節婦忠臣事不磨

剡源鄉志

卷二十四

補遺

九

丹山赤水洞天
剡曲草堂印行

飭家教

神駒早展躡雲蹤家教由來舉世宗謝氏壩簾多是鳳荀庭金玉各稱龍儉勤勿替
先民訓清慎無慚行已恭畢竟高風仰三石本堂盛事又躬逢

建先正祠

名流祠宇獨經營美奐美輪不日成唐宋元明分位置王陳樊謝總耆英粹然儒者
淵源合允矣賢人造詣精潛德從今垂不朽瓣香終古屬先生

築中校舍

結構玲瓏布置周從茲學業有藏修一花一草從容植爲棟爲樑次第求霄漢變龍
今後願林泉猿鶴此時遊百年會有樹人日都賴先生厚澤留

丙辰春爲沈丈楚珩請兵駐劄亭下募建營舍落成誌慶 子壽竺士康

大嵐山本綠林藏標掠東西未易防不有將軍屯細柳安能閱里奠苞桑張網造壘
威聲振處詔居官德政彰飲水思源雙井在甘棠菱舍莫相忘

壁壘旌旗一律新風清晦嶺靜無塵重關恍似封函谷二戶何如扼楚津祇見桑麻
談野老不聞符鼓擾村民剡源從此可安枕烹豨無羔治比鄰

前題

澄波竺鳳祥

乘輿踏踐雪竇巔千丈巖邊聽瀑泉俯視空潭深不測旁攢萬家起炊烟炊烟冥冥
隔樹背指點南山大小晦雲開日出人聲喧小晦之麓列園園我聞此處當孔道
荇胝篋攘珍寶繁誰奠定高枕安藉有梓鄉一遺老上請長官調重旅細柳營築扼
險阻練達充國屯田謀慷慨子敬指困舉吁嗟乎大嵐小醜屢跳梁鄉土自此固苞
桑竊願芒屨腰脚健洞天福地丹山赤水恣我以徜徉

前題

衡卿宋國鈞

盛世誰言不尚兵干戈俎豆見昇平新營堅壁東西道豹霧狼烟一掃清剡源山水
冠仁湖翠壁丹崖勝畫圖大纛臨風戈映日又增武庫入蓬壺雞犬安然夜不驚輕
裘緩帶鎮山城花香鳥語春光好野老閒談細柳營

剡源鄉志

卷二十四

補遺

十

丹山赤水洞天
剡曲草堂印行

前題

廷楓俞振芳

山寇跳梁惡作氛年年標掠擾鄉粉而今不復驚風鶴設險還屯細柳軍井基相度
駐麾旌募集巨贖壁壘成爲羨熱忱人倡首鄉關翼翼固金城霜刀雪劍氣凌空列
戟重關濊濊風試翦綠林同拉朽桓桓隊裏盡英雄殲却在存掃却塵梓鄉同樂太
平春農安耕野陬安市爲有雄軍扼要津

前題

勉廬毛思誠

六謂分防當剡衝屯軍舊壘白雲封偏西要隘須兼扼鎖鑰嚴扃第二重角聲夜靜
徹樓頭偃月營開晦嶺秋耕市並安民樂業旌旗飄處稜氛收年年何處覓桃源遍
地惟留鐵血痕仗我軍人回秩序櫓槍埽盡定驚魂設兵本爲防編氓無犯秋毫紀
律明桑梓治安今有賴壺漿篋食合歡迎

前題

筱雲周善安

盜跡遷流控制艱衛民惠政首防姦樂輸衆產基雙井借築軍營屋數間扼險合當

屯晦嶺駐兵差擬守秦關連村比戶今無警較勝重門鐵鎖鑲
壁壘新排雁陣橫捐基相宅幾經營一方保障功何偉衆志僉同事竟成風動城樓
人有望月明村舍犬無聲閭閻從此欣安枕千載猶傳不朽名

前題

槐卿張楸惠

嶺轉峯迴草木交虎狼恃險肆咆哮大嵐自昔稱三窟小晦于今有二嶠細柳已成
新壁壘綠林敢據舊檜巢經營借問伊誰力我亦傾心嚮樂郊
剡水灘前月正明萬家雞犬不聞聲荏苒掃刮深山麓筋鼓森嚴大樹營軍士合當
歌夏庇旅人從此敢宵征安良殄暴功非淺竹帛千秋尙著名

前題

小亭孫培基

當今城未復於陸要隘如何不豫防記得耿恭他日拜先從世澤築營房

前題

四明女史王慕蘭

新成營壘集羣材差擬潼關百二巍從此三軍休露宿歡聲動地震春雷演黔雲擾

剡源鄉志

卷二十四

補遺

十一

丹山赤水洞天
剡曲草堂印行

戰氛高固我邊宜鎖四郊時暗英雄無用處且來梓里試牛刀小隊弓刀膽氣雄指
揮能事笑談中閭闔入夜皆安枕食德飲和義井同桴鼓而今不再驚雨餘綠野有
人耕丹山赤水新營壘留得雄威後世名

題趙醉仙先生行狀後

江鏡清

三百年來無此學白頭辛苦事疇人草堂日掩琴書貴粉社風清俎豆新文獻徵從
鄉土志觀摩功到洞天春前脩漫說流風遠展卷如同鑿款親

奉題醉仙趙丈先生傳後四絕句

王慕蘭

讀公昔日哭孫詩同病何人不淚垂蘭有弟三人十慈幼良方經手錄保全多少好

男兒酒國深交劉伯倫高風雅量寓天真非關酷好杯中物醉眼來看世上人

赤水丹山別有天前身原是洞中仙無勞勒石鐫功德利濟深恩萬口傳不藏粟

米只藏書教育兒孫樂有餘一自老成凋謝後草堂風景近何如

剡源鄉志終

孫男一有校字
女道